

PAMFLET

527.

Ban/ende edict by voyme

Van proscriptie/ vuytgegaen ende gedecreteert by
onssen alregenadichsten Heere de Coninck, tegens Wilhelm
van Nassau, Prince van Oraison, als hooft, beruerder en
bederuer van tghesheel Christenrijck, ende namentlyck van
dese Nederlanden : Waerby een yegelyck gheautoriseert
wordt van hem te beschadigen, offenderen ende vuyter wec-
relyt te helpen, mit loon ende prys voor den ghenen die des
doen, oft daer toe assisteren sullen.



Ghedrukt door ordinantie ende expres beueel der Coninckl.
Mt. Intiaer M. D. LXXX. Tot Thertogen-
bossche by Ian Schœffer. (.? .)

527 11

Handwritten text in a cursive script, likely a letter or a page from a manuscript. The text is written in a dark ink on aged, slightly discolored paper. The handwriting is somewhat faded and difficult to decipher, but it appears to be a continuous block of text.



Handwritten text at the bottom of the page, possibly a signature or a closing. The text is written in a cursive script, similar to the one at the top, but is also very faint and difficult to read. It appears to be a short, concluding sentence or a name.



Philippes byder gratsen Godts / Coninck van
 Castilien / van Leon / van Arragon / van Nauarre / van Pa-
 peis / van Siclien / van Maillozke van Sardeyne / vanden
 Eylanden / Indien ende vasten landen der Zee Occane :
 Hertshertoge vā Diftentryck / Hertoge van Bourgougnē /
 van Lotrük / van Brabant / van Lembozch / vā Luxemborich /
 van Belre ende van Melanen / Graue van Habsborch vā Wlaxenderen / vā
 Arthois / van Bourgougnen / Palsgrauē ende van Benegoutwe / van Hol-
 land / van Zeelant / van Namen / ende van Zuyphen : Prince van Swaue :
 Marcgrauē des heylighs Ryck : Heere van Vrielandt / van Salins / van
 Mechelen / vande stadt / steden ende landen van Utrecht / Quertissel / ende
 Groeningen / ende Dominateur in Asie ende in Africkē. Allen den ge-
 wen die dese teghenwoordighe sullen zien Saluyt.

Het is allen ende eenen pegelycken kenlyck ende openbaer hoe gunst-
 lycken dat wylen hoochloflycker ghebachten de Keyser Kaerle die vyfste
 des naems onse lieue Heere ende Vader (wyens ziele God genadich zy)
 ghehandelt ende ghetraecteert heeft wilhem van Nassau / om den seluen te
 doen comen totte successie van wylen Rhene van Chalon Prince van
 Oraengnien zynē Neue. Ende in welcker vueren zyne Key. Mai. den sel-
 uen daer nae van zynē ionckheyt aff (hoe wel hy vromdeling ende buyt-
 heemfcher was) ghevoordert ende ghepromouert heeft. Twelck by ons
 naederhant althys naegeuolght ende gecontinueert is geweest / hem eerst-
 mael gecreert hebbende Ridder ende medebijnder van onser orden vande
 gulden vliefe / ende daernaē ghecommiteert onsen stadthouder generael
 ouer Holland / Zeelant / Utrecht ende Bourgougnien / ende doock van onse
 Raede van Staete hem doende voorts vele ende verscheyden cereu ende
 weldaden / mitz welcken / ende vint zaken vande ceden van manschap en
 trouwicheyt / die hy ons oock ghebuen heeft int verheffen vande Leenen /
 Steden Landtschappen ende heerlichkeiten / die hy van ons houdende is / in
 diuerse onse Landen en prouincien / hy grootelyck verbonden / verplicht
 en verobligert was sich te begene onder onse gehoorsameheyt en tot onse
 dienst ende getrouwicheyt / ende die weluaert en vrilteyt van onse zaken
 en affayren te voederen ende promouieren / en voirts alle ruste en tran-
 quilliteyt in onse Staten ende landen te hanthouden ende maintainen.
 Is nochtans eenen peder kenlyck / dat zoe geringe wy buyt onse Nedet-
 landen verrocken zyn geweest / die voirgemelte wilhelm van Nassau (by
 de middelen als voiren Prince van Oraignien gemaccht zynde) niet alle
 kstige en boose aenlaegē en practycken sich veruordert en gepoocht heeft.
 Hertlycken om te winnen en veretigen den wille en moet vanden genen
 die hy wiste qualycken gesint te zyn / belast met schulden / byanden vander
 Justicie / liefhebbers van nieuwieheden / ende bouen al die gene die ter
 zaken vande Religie bedragen oft ghesuspecteert waeren / de selue carese-

A

B

rendt

reende/aenhaelende en tot hemwaerts treckende met schoone woorden/be-
 loofften en valsche persnasien/in sulcker vliegen en zoe verre dat hy prin-
 cipael aenheer en opzoerder is geweest vande eerste requeste oft supplica-
 tie ouergegeuen en gepresenteert by etlycken hoop ionger edelmans/ zyn
 huys en tafel daegelyck hanterende/ hebbende oock die coniuratie en ver-
 bontenisse daer van tynen huysle gemaect gheweest mit hulpe en bystande
 van Graeff Lodewijck van Nassau zynen broeder die een groot ketter en
 heretick was. En hoe wel dat hy directeur ende aenrichter was van alle
 dese aenslaegen en voirtsstellen/ des nyetmin heeft ter seluer tijt daghelijck
 gecomen en gefrequeenteert inden raede van State/present en tegenwoor-
 dich ouer alle deliberationen en resolutionen die aldaer genomē waeren/waer
 buyt een yeder bemercken kan zyn getrouwicheyt en quhtinge van zynē
 eedt. Ende alsoo vande selue requeste voirtsbaerende heeft hy mit zyne
 aenhengeren tot verscheyden plaetsen en vrecken van onse voorsz. zeuen
 Landen/ innegebracht die valsche predicationen en openbaere vergaderinge
 geduerende den tijt dat onse zeer lieue en zeer beminde zuster die Hertog-
 ginne van Parme/ alsoen Regente ende Souuerneante generaale in dese
 onse erf Nederlanden aen ons geschickt en gesonden hadde/ om op t'inhou-
 den der seluer supplicatien orden te stellen/ hebbē insgelijck by aduylse/ we-
 te/participatie en medeplichticheyt des seluen van Dzaignyen/ die ketters
 en heretickē / onder t'dersel ende by toedoeene vande gene die voorsz. zeue
 requeste gepresenteert hadden/ en by hem gefanoriseert zynde/ begonst mit
 oproerte breken die beelden/ autaren en kercken/ en alle gewijde en ghe-
 consacreeerde zacken te prophaneren / iae oock die heylige Sacramenten
 vā Godt ingestelt en geordineert/ des niet tegenstaende zyn de zaken ouer
 de goddelycke gracie/ en die voirtsichicheyt vande voorsz. Hertoginne van
 Parme zulck gehandelt en geremedieert geweest dat hy benoedicht is ge-
 weest hem te vertrecken buyt onse Landen en zyn Souuerementen te ver-
 laeten nyet sonder grooten toern ende gramschap/ mit diepgementen hem
 daer van te willen wyken/ welck hy int naevolghende iaer vermeynde
 te doen en volbringen mit seyt van wapenen/maer te vergeeffs/ want hy
 soo dapper en strengelyck veruolcht werdt van onsen leger/ hem continu-
 elijcken naetreckende/ dat hy buyt alle onse Landē verdueren en verlaecht
 is gheweest/ sonder hem aldaer ergens te kunnen bergen oft onthouden/
 maer alsoo etlycken tijt daer nae tot verscheyden plaetsen opghercken is
 sekeren afftreck en mislaegen van onsen ondersaten tegens die regeringe
 en Souuerement vanden Hertoge van Alue/ hebbende int voorsz. gou-
 uernement gesuccedeert nae de voorsz. Hertoginne ende onder anderen in
 Hollant en Zeelant / heeft de voorsz. van Dzaignyen gepactizeert/ om in
 de selue landen te moegen wederkeeren/ waer toe hy nochtans nyet gead-
 mitteert oft ontfangen is gheweest / zonder eerst en alvoiren den Staten
 vanden voorsz. landen en dien vanden Steden aldaer/ ten heylighen ghe-
 swoore te hebbē/ dat hy die selue landē ende Steden voorsz. ons en onder onse
 gehoort

gehoorsameydt handt handen en maintaineren soude/sonder yet te veran-
 deren van igene des behoiren soude totte onse Catholysche en Roomsche
 Religie/da soude hen alleenlyck (als stadthouder ende Gouvernuer) by-
 staen/assisteren en beschermen tegens den voozsz. Hertoge van Alue/ zoo
 verre hy de selue soude willen fortzeren en bedwingen tot igene des hy
 was pretenderende/te weten totten rhenden en twinstichsten penningen
 vanden impositien die hy opstellen woude / t welck wy hem niet beuolen
 en hadden/noch oock en verstonde zulcx gedaen te worden/dan mit goe-
 de danc en wille va onse voozsz onderlatē/en dz noch in plaetse va andere
 bedē en impositien/daervan men de selue vermeynde te ontlastē/maer soo
 geringe die voozsz. van Nassau in t voozsz. gouuernement getreden ende
 ontfangen was/ heeft hy mit zijne ministers/ dieners en supposten begonst
 intebzingen die valsche predicatien alomne daer hy konde oft vermochte/
 persecuterende ende verholgende alle goede pastoors/ predicanen/ Reli-
 gieuken en eerlijcke luyde en persoonē/ vanden welcken hy een zeer groot
 getal veriaecht heeft/ en diuersche van hen iammerlyck doen vermoorden/
 oft immers heeft daer inue gedissimuleert/ mit eenighe van zyn aenhenge-
 ren die selue moorden gheperpetreert en gedaen hebbende / ter tijt toe dat
 die voozsz. Staten grotelijc geoffendeert en verhoert van sulcke wre-
 cheyt begeerdē en wilden recht daer ouer gedaen te worden/ dat alsdoen hy
 hem geliet een mislaegen daer van te hebben / des nyetmin is hy nader-
 handt wedergekeert tot zynen eersten voornemen/qualyck handelende en
 tracterende de gene die hy hilt vooz Catholijck en zyn aenlaegen contra-
 rierende/hem behelpende mitten raedt vanden herlijcken ministers zoo
 buytheemse als inlanders / veranderende oick de Magistraten en wet-
 houders/ die hy wiste zyne aenlaegen ende voernemē nyet te fauoriseerē.
 Ende voozsz heeft begonst innetezingen de liberteyt van conscientie/ oft
 (om beter te seggen) confusie van Religie/ waer vuyt cozts daer nae ghe-
 volght is dat die Catholijcke openbaerlijcken gepersecuteert en veriaecht
 zyn geweest/ die kercken mans ende vrouwen cloisters affgeworpen ende
 teenemael gheruyneert/ die Religiouken/ soo mans als vrouwe personen
 qualijck getraceert/ gebannen en gantzlijck verdreuen/ zoo verre zy hente
 Religie ende professie niet en wilden versacken oft apostaseren / en oock
 sich ten houwelijcke begaue/ alsoo hy hem op de andere nyeten betroude/
 gelyck hy oock selfz noch geheplickt wesende/ en zyn tweede huysvrouwe
 alsnoch leuende/ genomen oft getrouwet heeft een Nonne ende Abdisse hy
 Bisschops handen solemnelijcken geconsacreert en ghewijt/ die hy alsnoch
 by hem houdende is. T welck die alderschandelijckste/ oneerlijckste en in-
 faemste zake is diemen sonde mogen doen nyet alleenlyck nae buyt wilsen
 der Christelycker Religie/maer oock nae de Roomsche rechten en wetten/
 en tegens alle eerbaerheyt. Ende heeft sich eyntelyck zoe verre vergeten/
 dat hy die Catholysche Religie ganslijck versaeckt ende verlaten heeft/
 toelatende alle ketterijen / dwalingen en boosheden van alderhande secte

herelijken ende ketteriken om (indien hem mogelyck waere) teenemael te
vernyelen en bytroyen onse heylige en Catholijcsche Religie; van allen
tijden onderhouden en gheobserueert byden gansen en vuerfelen staet
van kerckenrijck hebbende midlerijt onse arme onderfaren van Holland
en vā Zeelant gebrocht tot zulcke hertneckicheyt en obstinaetheyt ende die
selue in sulcken staet gereduceert dat hy nae alle die steden / deen nae dan
dere belegert en ingenomen zijn geweest / zoo mit stormenderhandt en ge-
welt als hy compolitie ende redditie / zulcx dat hy te meer sonden gescapē
is geweest daer byt gedreuen te worden ouer onse macht ende wapenen /
tot dat nae d'affluicheyt des groot Commanduers van Castilien / des
welcken wy oock gecommittteert hadden successuer in itselfde gouuerne-
ment nae den voorsz. Hertoge van Alue (by ons wedergeroepen om onse
ondersaeten des te meer te contenteren) de saken genallen syn in een on-
geregelticheyt en ongehoirsamheyt vā teryechvolck ingenomen hebbende
die stadt van Zyrycree / welcke ongeregeltheyt oft desordie den voorsz.
van Massau begonste eenige gunste en fauenteu te bringen. Ende coets
daer nae die generaele staten van dese onse erf Nederlanden willende eens
byt eellende / miserie en calamiteyt vander oorlogen comen daertoe ge-
persuadeert zijnde vanden voorsz. van Massau seggende en simulerende /
anders nyet te begeeren dan die weluact / ruste en vrede vande landen en
die selue quijt te maken en ontlasten vande byttheemse Chyechsluydens
en die landen onder onse gehoirsamheyt te houden ende inde selue te be-
waeren en conserueren die oude Catholijcsche Religie / zulcx als die van
oudts aldaer gheoeffent en gheexerceert is gheweest / mitgaders oock die
priuilegien ende vryheden desselvs landts onderhouden / hebben mit
hem ghemaect het tractaet van Ghendt / expresselijcken ghemaect
op twee zunderlinge fondamenten / te weten / van die voorschreuen oude
Religie / en onse gehoirsamheyt te handhouden en mainteneren / bynnen
welcke tijde hebben wij herwertouer ghesonden wylen onsen goeden en
fruntelycken broeder don Johan van Dillenrijck lofflycker memorie / mit
intentie en beueel dat hy alle die beroerten ende troublen van onse voorsz.
seydin landen soude accommoderen / nederleggen / vereenigen en reconcil-
lieren mit de alrebeste en gebuechlijcxste wegen ende middelen alst moge-
lyck soude wesen / welck hy oock ghedaen heeft / geuende en accorderende
onsen ondersaeten alle tegene datmē hen eenichsins mochte toelaeten / rati-
ficerende insgelijcx voorschreuen tractaet van Ghendt / welck hy alomme-
dede bytroyen en publiceren / in ghewoenlijcker manieren / waer tegens
die voorsz. van Dignyeu mit alle zijne macht hem opposeerde / maer als
soo hy selue niet en koude beletten / en heeft voorsz. tractaet gheen-
sins willen laeten publiceren inde vlecken en plaetsen van sijn gouuernement /
byt spijte dat hy de selue publicatie niet en hadde kunnen beletten so
voorsz. is niet tegensstaende dat wij selfs naederhandt deen en vander ac-
cord en tractaet geapprouueert / gecologgeert en geratificeert hadden ende
dat

dat onsen voorsz. goeden byneder/ mitgaders de gedeputeerde vanden sta-
ten diuersche treffelijcke personagien aenden voorsz. van Dzaignyen ghe-
sonden hadden/ om den seluen daer toe te persuaderen en verwilligen/ op
dat hy van zijnder zijden soude willen effectueren ende volbringen tgene/
daer toe hy gehouden en verbonden was bij de capitulacien van tvoorsz.
tractaet van Ghendt. Ende want hy alreys voorhielt / en bybrocht/ dat hy
in zijn geheel gouuernement behoorde gestelt en geresitueert te worden/
voirts dat de Steden die hem niet en hadden willen erkennen voorz. Gou-
uernuer/ ende oock de ghene die wy naderhandt mit macht van wapenen
wederom ingenomen/ oft andersins onder onse gehoorsamenheyt gebracht
hadden/ onder sijn voorsz. gouuernement gheset souden worden/ is hem
deshaluen dier die goeder tierrenheyt en saechtmoedicheyt van onse voorsz.
Staeten satisfactie geguen geweest/ alsoo die selue zijn vrienden/ bedroch-
telicheyt en meynedicheyt alnoch niet en kenden / mitz by hem zwerende
nochtans/ dat hy niet veranderen en soude inde forme en maniere vande
voorsz. oude Catholijcsche ende Roomsche Religie/ en dat hy te die eynde
geuen soude sulcke versekertheyt en satisfactie als die wrijnders / vor-
gers en inwoonders van elcke stadt rechtshaluen hadden moegen eyssche.
Ende nae dien men langen tijt gedisputeert hadde op de versekerheden
die elcke stadt was begeerende/ op dat hen gehouden soude wordē tgene
des voorsz. van Dzaignyen hem beloofd hadde/ hebben sich ergeuen onder
zijn Gouuernement/ naedyen hy de selue punten en andere begrepen in
d'acte vande voorsz. satisfactie geswozen hadde: maer in plaetse van zijne
eet ende beloofften te onderhouden/ heeft hy ter contrarien inde selue ste-
den sijn ministers en predicanten caluinisten van stonden aen ingebracht/
en aldaer doen wederkeeren die voorbluchrige ketters en hereticken/ en
oock aldaer gepractizeert byjheyt en liberteyt van conscientie / en in ette-
lijcke kercken enige schandalen en onstichtichede gedaen/ doen beginnen
de aldereerst aende biddende ordenen/ daernaec aende Magistraten en wri-
nders/ die hy allencyskens heeft doen vervolgē en persecuteerē/ en oock
die goede pastooren veriaecht en eytelijken die Catholijcsche Religie te
nieren gebracht en vertzeuen/ en d'exercitie der seluer verboden en ghein-
terdiceert. Welck doende heeft hy gebruyckt en gheuseert van sijne ghe-
woonlijke hypocrispen / dissimulacien en ghebeynsbedē / seggende zult
hem te mislagē/ en dat hy seluide nyet en konde remedieren/ des nyetmin
verweete en opzoerde secretelycken onder die hant mit zijne ministers en
aenhengeren alle opzoerige heretijcke en seditieuse personen/ om derges-
lijke boosheeden te gebruycken en vleren/ Ende om selue te volbringen/
heeft allencyskens mit hulpe en assistentie vanden zijnen/ bynnen die stede
garnisoen doen leggen tegens alle bespreken en zijne gezworne beloeft-
te: daerentussche en hiel nyet op onse voorsz. broeder don Johā te accusere
ende beschuldigen/ dat hy tegens die Staten machineerde/ welc nochtans
onse

onse voorsz. broeder ons althits versckert heeft nyet waer te zyne / maer
wel dat hy aenmerckende die obstinaetheyt ende boosheyt vanden voorsz.
van Dzaignyen/ mit eenigen heeft moghen ghecommunicceert hebben/ hoe
datmen den seluen tot redene soude moghen brengen/ ende beletten/ dat hy
nyet wederom die ghemeyne ruste ende weluaert vanden voorsz. Landen
en soude stoorzen en turberen/ gelyck hy naderhandt gedaen heeft/ des nyet
tegenstaende en heeft die voorsz. van Dzaignyen nyet opgehouden/ tot dat
hy mit zyne ghewoenlycke listen ende practycken (daer mede hy hem zeer
wel behelpen kan) zulcke diffidencie ende wantrouwichheyt tusschen onsen
voorsz. broeder en die Staten van onse voorsz. Landen opgeroecht hadde/
datmen daer van anders nyet en konde verwachten dan eenen grooten
apparenten mooyt/ inder vueghen/ dat om allulck stuck en desordre. oft ten
minsten die gheuanckenis van zyn persoon te verhuden/ die voorsz. gemel-
te don Johan/ heeft tzynder versckertheyt hem vertrocken binnen onse
Stadt/ Slot en Casteel vā Namen/ daer toe de selue des te meer gemoucert
ende beweecht was/ zo hy egeene wapenē oft Cryechsvolck ter handt en
hadde/ ende dat ter contrariē al cleer en blyckelyck was dat de voorsz. vā
Dzaignye by alle zyne toegemaecte en geaposteerde dienaers niet en ces-
seerde die factieuze en seditieuze personen op te roepen/ om tegens zynen
persoon zulcx te doen en attenteren/ als hy in t'selfde iaer hadde laten doe
op die ghene van onsen raede van State/ ghecommitteert totten gouuer-
nemente generael van onse voorsz. Landē: dat alsoe ineynende die voorsz.
schreuen van Dzaignyen al gewonnen te hebbē/ heeft begonst te openbae-
ren alle zyne macht/ wapenen en listicheden/ om onse onderlaeten te ver-
wecken en brengen tot een open oirloghe tegens onsen voorsz. broeder/
Lieutenant en Stadthouder generael/ nochtans by tusschen spreken en in-
teruentie van zekere treffelycke personnaigen neffens zyne persoon we-
sende/ en van andere goede luyden ouer de zyde vande Staten/ zyn de za-
ken zoo verre ghebrocht geweest/ dat alle dingen geaccommodeert en ges-
sticht waeren/ en ouer heen en dandere zyden veraccordeert en vereenicht/
iae zoo verre dat onsen voorsz. broeder om alle oorsaken van diffidentie te
weeren te vreden was zyn gouuernement te verlaeten en nae Italyen te
vertrecken/ gelyck dock onsen wille was. Ende waeren aldoen die ghe-
deputeerde vanden Staeten by hem/ om reciproce en van beyde zyden te
onterteekenen de presentatien en wederpresentatien: maer ter quaeder
zien. Dese gemeyne vyant/ perturbatuer ende verstoorder vande gemeey-
ne vrede en ruste ghesienende dat hy byt Hollant (aldaer hy was) dese peys
en reconciliatie mit alle zyne listen en practycken nyet en konde beletten/
heeft hem ghehaest op den seluen tijt te comen bynnen Brussel / en hem
gelat ende/ als off hy den peys hadde willen hebben/ heeft die oirloge ghe-
hoirdert en ingebrocht/ voorsz. stellende nyeuwe conditiē aldoen noch niet
hesproocken noch voor gehouden/ zulcx dat hy tzynder intentie gecomen
is/ bykende al t'gene datter geaccordeert was/ zoot eenen pegelycken ken-
lycken

licken is. Ende naderhandt de saeke gecommen zijnde tot een oepen ende
 zeer wreede oorloge heeft hem mit geweld en oproer vande ghemeynste te-
 gens den wille vande Staten gedaen verclgere voor Rouwaert oft scher-
 merheer van onsen Landen van Brabant / en daer nae tweede Stadthol-
 der van alle onse erfstiederlanden / ghelijck hy oock ten lesten duer oproer
 en emotie van dien van Bendi en van zekere andere steden en plaatsen he-
 heeft laeten kiezen voor Gouverneur van Vlaenderen hebbende oock
 doen comen zijn broeder ende schoonbroeder buytlanders om andere
 Gouverneementen van onse Landen en provincien te hebben : en worden
 midler tijt by hem en die zijne / onse onderlaeten belast en verdruct / mit
 alle sorten en manieren van impositien / schattingen / exactien / eyssche / con-
 tributien en quotisatien die ontamelijckste / barbaerijckste / en tyrantijckste
 als opnt gehoort oft gesien zijn geweest / die welcke hy met geweldiger han-
 de en seyt van wapenen opgebueret en gheexecuteert heeft / zonder consens
 oft accord van onse onderlaeten / noch daer van bewijs oft rekeninghe te
 doene. Ende zo wanneer yemant daer op wilde spreken / heeft dien doen
 aentassen / qualijck tracteren / en in gheuacken is werpen / oft oock doe pil-
 lieren / beroonen en ter doot brengen. Ten anderen is claer en kenlijck
 tegene dat wy continuelijcken gedaen hebben om het misverstant tusschen
 onsen voorsz. Lieutenant oft Stadtholder generael en die Staten opgere-
 sen (als vooren) te accommodieren en pacificeren / maer al tegene dat hy ons
 oft onsen voorsz. broeder wel gedaen was / is gesupprimeert en verborge
 gheweest : ende ter contrarie van dien / zoo heeft die voorsz. van Daigny
 en die zijne ontallijcke lasteringen en calumpien gheinuenteert en voorsz.
 gebracht / om onse onderlaeten lancx zoo meer te abuseren ende bedriegen :
 en insunderheyt / alsoo wy ten tijde ende inde coniuncture vande victorie
 van Gembloux gesondt hadden de vryheere van Selles mit seer redelijcke
 conditien / om onse voorsz. de onderlaeten in gratie en genade tontfangen /
 ende alle zaeken te vereenigen en reconcilieren / en is daer van nochtans
 niet nae gevolgt duer tbelet dat hy daer inne gedaen heeft / hoe wel dat de
 seluen tijt ghebuerende / onse voorsz. onderlaeten ouerscriuende zoo aen
 ons als aende Keyser onsen goeden broeder en neue / en andere fursten en
 Potentaten om te iustificieren die gheschillen en differenten die zij hadden
 tegens onsen voorsz. Lieutenant en Stadtholder generael / opentlijcken
 protesteerden dat zy geene rehande zaken en wilden veranderen inde oude
 Catholijckche Roomsche Religie / zulk als de selue van allen tijden bin-
 nen onse voorsz. Landen geobserveert hadde geweest en esamentelijcken
 onder de selue tontweerts dragen en berhoonen die ghehoorsamheyt / die
 ons by Beestelijcke en weerlijcke rechten toebehoorde. Twelcke die twee
 punten alleenlijck waeren die wy van hen althits begeert hadden en ter
 seluer tijt alnoch begeerden / en daer inne wy mit hen eens waeren. Des
 nyet tegenstaende beduchende die voorsz. van Daigny die reconcilia-
 tie van onse voorsz. schenen onderlaeten mit ons / heeft wederom gheuonden

B.

nyenwe

nieuwe listen en inuentien/ om nyet alleenlyck tegene des boozsz. is te be-
 letten/maer oock om de zake te brengen tot een ganze desperatie en wan-
 hopen sonder remedie/indient mogelyck hadde geweest duer middel van
 al te corrumperen met ketterhe en hereshe / twelck hi in diuersche vlekken
 en plaetsen ghedaen heeft/ eensdeels duer de boose/ listige en meynedighe
 trecken (die hem en allen kettters zeer gemeyn zyn) als oock duer opreche
 en puer geweld/ gebruyckende selue dat hy daer te voeren gedaen hadde/
 om de landen en prouincien van Hollandt en Zeelandt te bederuen/ stellende
 alle dingen in roere en moerwillichheyt der ghemeynten / soo met plunde-
 ringe van kercken/ prophanatie vande heylige Sacramenten/ moordaden
 oft vanckenissen van Bisschoppen/ Pastooren/ Jesuyten/ Religieusen/ soo
 vrouwen als mans persoonen / ende van verscheyden andere wereliche
 ducchdelijcke en eerlycke persoonen / vernuyeuwende alle de wetten ende
 Magistraten affstellende tegens alle regel enden orden van rechten / pre-
 uilegien/ vsancien ende oude herkommen en obseruancien/ die Presidenten/
 Raedtslieden Gouvernueren van plaetsen/ Biskops/ Breuosten/ Drossae-
 ren/ Schoutenen Schepenen en andere Catholijcke officieren en amptliys-
 den/ tontwert en totten weluaeren ruste/ en vrede vanden lande grassce-
 tionneert zijnde / stellende in plaetse van dien extraordinaerlyck/ en duce-
 zyn eygen aucthoriteyt / en dickmael duer opzoer van tgemeyn volck by
 hem opgeroept (onder de welcke hy regneert en triumphceert) alle kettters/
 sectaryssen / seditiense en oproerige menschen/ leuende opt roonen en stiel-
 en andere zyns gelycke/ inder vuegen dat hy alle saken ghebrachte heeft tot
 een confusie die allertzantichste/ barbarichste en moordadichste/ als opne
 gehoort oft gesien is geweest. Twelck mishagende zekere Catholijcsche
 landen en prouincien/ ende zunderlinge ziende de conscientien der goedere
 lieden zoo grootelijck geopprimeert/ geweldicht en verdrucht/ die kercken/
 cloisters/ abbyen/ Noten/ casteelen en huysen van edellieden en andere goe-
 de personagien affgeworpen / en hun goederen allen boosen menschen te
 proye gegeuen/ ter discretie en gelijcke van desen byndeling en vuytlan-
 der/ en den gantzen staet vanden lande by hem gesubuerceert en bedoruent
 ia zoe verre dat hy daer toe heeft willen bedwingen gheheele landen ende
 prouincien tegens huere eede ende wille/ hebben sich de selue prouincien
 mit ons wilken reconcilieren / twelck hy aen allen gorden en zijden/ en mit
 aller zijner macht gepoocht heeft te beletten/maer de selue hebben vromer
 en staetaffruiger geweest dan hy. Ende dat noch erger is/ hoe wel de booz-
 schreuen Heere die Keyser een ernstigen versuecke vande boozsz. Staten
 (die hem gebeden hadden/ om tusschen ons en hen boozsprake en middeler
 te willen zyn van eenre pacificatie) te vreden was alle zaken in handen te
 nemen om die te vuyten en neder te leggen/ waer toe wy oock (begerende
 onse onderlaeten verlost te zyn van dese ellenden ende calamiteyten) ons
 willich hebben laeten beuynden. Volgende welcken heeft zyn Key. Ma-
 ten seluen eynde zijne ghesanten en Commissarissen tot Coelen gheschickt

en ghesonden/ zoo van Churfursten als andere vanden principaelsten des
heyligen Ryck/ om te aenhoiren en verstaen die puncten/ daer van gheschil
en different was : nochtans en heeft selfsde den voorsz. van Daignyen
geensins kunnen diuiteren noch afftrecken van zijne boose meyningen
en voornemen : welcke ghesanten oft Commissarissen hebben alle selfsde
aengehoort/ en zekeren langen tijt zoo op den eynd ende peritien vanden
voorsz. Staten als op onse presentationen ghecommuniceert en ghehandelt/
hebben eyndelijcken geresolueert en gedecreteert die puncten en artijckelē
die zy hebben laten drucken en publiceren/ om ter eente en ter andere zyde
aengenomen ende gheaccepteert te worden. Is nochtans al selfsde zonder
effect gebleuen/ niet tegensstaende dat de voorsz. artijcken zoo billich gracie-
lyck ende redelyck waeren/ dat alle luyden van goede oordeel en verstande
kennen en behyden/ de selue meer dan sufficient en ghenoechsaem gheweest
te zijne/ en dat wy meer gepresenteert hebben/ dan tegene des onse ondersta-
ten selfz nae redene aen ons hadden behoiren te versuecken. Ende de sel-
ue communicatie geduerende/ heeft de voorsz. van Daignyen/ om tegens
den Keyser en ons te contraminieren/ en op dat hy alle saken tot desperatie
soude moegen brengen/ bynnen der stadt Aerecht een versamelinghe ende
vergaderinge doen houden vande ghe deputeerde van elijcke steden ende
landē die hy onder zijn macht en gebot houdende is/ o aldaer eene nyeuwe
confederatie en vbonteniſse oft openbaere conspiratie te ramē en sluyten te-
gens ons en onse Kēligie mit grouwelijcke en affghyselijcke woordē en ee-
dē/ en en hebben hem dock niet kunnen vermyden die Commissarissen des
hooghgedachter Key. Wat te iniurieren. waer toe en om sulcx te doe hy hē
behelpende is mit zijne broeder en schoonbroeder/ en andere toegemaecte
en geapposteerde personen: welck hy mit groote sollicitatien/ practijckē/
calumnyen en groote belooften/ en hy nae mit forze/ ghewelt en impo-
nityt affgedrongen en geextorquieert heeft in diuersche quartieren/ ende
typet tegensstaende alle goede officien en denoyzen byde voorsz. Commis-
sissen gedaen/ om aende landen en provincien. te doen verstaen hun goede
en duechdelijcke resolutie onsen onderlaten zoo nootlijck ende zalich zyn-
de/ heeft hy zoo veel ghedaen dier zijn aenhengeren en toegemaecte per-
soonen (daermede hy hem behelpt vooz zijne instrumenten) dat die voir-
schienē artijckelē lange tijt achtergehouden en gesupprimeert zijn gheweest
en alsoo die selue nyet langer en konden verhoelen bliuen / heeft hy niet
alleenlijck belet dat die nyet aengenomen en syn/ maer dock gheprocureert
datter contrariē diuersche schandelijcke schriften ende boecken vol luege-
nen ende calumnyen vuytgegeuen zijn geweest en voirts hebben noch die
gedeputeerde/ die hy neffens hem heeft binnē Antwerpen van zijner soor-
te ende maniere/ gheeysscht ende begeert diuersche andere artijcken veel
lastiger/ onbehoorlijcker en onbillijcker/ vol lasteringe/ iniuriē en blasphe-
myē tegens God en ons/ huere sonnerdynen en ouerste heere en natuerlijc

B. 9

ken

ken Prince/zulcx datmen desghelijcken nyet meer en soude kunnen doen.
 En beuyndende dat hy mit allen zynen arbeyt/lissen/inductien en persua-
 sien de selue noch niet al en konde ghe winnen / heeft sich tytelijcken ver-
 trocken vuyt Antwerpen / aldaer hy bat dan twee iaeren hem onthouden
 hadde sonder daer vuyt te gaen ende is gheioogen binnen deser stadt van
 Utrecht om te volbrengen d'executie en effect vande voorsz. ongodlijcke
 conspiracie ende alle zaken int verwerren te stellen sonder t'selue te kun-
 nen remedieren: en generalijcken heeft hem sulcx gedraghen in alle sorten
 en manieren van tyrannien dat hy veriaecht ende vuytgedreuen heeft alle
 Beestelijcke personen / handelende oock sulcx mitte heeren en principale
 Adel van onse lande dat zy bedwongen zijn gewest sich te verrecken en
 hun vaderlant te verlaten en abandoneren / ten eynde dat hy te bat en ab-
 solutelijcker soude mogen regneren en domineren onder de oproerighe
 geesten vander gemeeynten / die goede luyden verdreuen zynde : en want
 men opentelijcken ziet dat alle dese confusien en plagen die onse voirsche-
 uen landen lijdende zyn toecommen en procederen duer den raet daer/pos-
 stel en ingeuen van desen boosen hyppocrit / en duer zijne ongerustien geest/
 die alle zyn gelue is stellende int ongeluck en beroerte vā onse onderlaten
 en dat voirtsmeer al kenlijck en openbaer is / dat soo lange hy sich bynnen
 onse voorsz Landen onthouden sal geen peys noch eenige ruste aldaer
 te verhoopen oft verwachten en staet / alsoo hy alle zaken sonderende is
 op een ewige diffidencie ende wantrouwichheit / die hy althijs inden mont
 heeft (welck allen boosen menschen gemeyn is/wyens consciencien duers
 knaccht worden/mit Caym ende Judas / en huns gelijcke) gemerckt oock
 dat nyet tegenslaende t'versueck en presentatien die hem gedaen zijn ghe-
 weest en besundere by Key. Qais. gesanten oft Commissarissen tot zynen
 grooten voirdede / op dat hy hem soude willen verrecken ter plaetse van
 zynen gheboerten (aldaer een yegelyck vuyter natuere behoort aldermeest
 te begeren zyn leuen ouer te brengen) hy daer toe niet en heeft willen ver-
 staen/hebbende lieuer (een vrendelijck en vuytlander als hy is) onse voorsz
 schreuen Landen te bederuen dan hem te buegen ende accommoderen tot
 regene des tot weluaeren van onse ingebozene onderlaten van node is.

Soo eerst dat wy al tselfde aengesien/en om de redenen voorsz. zo
 billich/redelijck en rechtuerdich zijnde: ende daer inne ghebruyckende die
 autoriteyt en ouericheyt die wy ouer hem hebben/vuyt crachte vande eede
 van trouwe/hulde ende onderdanicheyt die hy ons dicmael gedaen heeft/
 en oock als wesende Prince absoluut en souuereyn der voorsz. erfinede-
 landen/zunderlinge aenschouw nemende op alle zijne boose en erge stucke
 en seyen / en dat hy alle t'hoofte/author en promotuer is van alle dese be-
 roerten en principaelste perturbatuer van allen onsen landen ende Sta-
 ten/en opt coyste die gemeyne peste vander Chrijsenheit : verclarē den sel-
 uen als schelm en verrader en vyant van ons en vande landen / ende ouer-
 zulcx hebben wy hem inden ban ghestelt en bannen mitz desen ten ewi-
 gen

gen daegen buyt onse voorschreuen Landen ende alle andere onse Staten/
 Coninckrijcken ende Heerlicheden : verbiedende en interdicerende allen
 onsen onderlaeten van wat State/conditie/oft qualiteyt die zyn mit hem te
 handelen/verkeeren / sprake houden oft communiceren openbaerlijck oft
 bedectelijck / noch den seluen te ontfanghen oft logeren in hueren huysen/
 noch hem gerieffuen oft accommodere van eenige eerlijcke waren/branch/
 bier oft andere nootlijckheyt in geenre hande manieren/op pene te vallen
 in onse indignatie/ zoo hier nae geseyt sal worden. Maer consenteren alle
 en eenen yegelijcken/tsy onse onderlaeten oft andere / tot executie van dese
 onse declaratie en verclaeringhe den seluen te arresteren/becommeren/be-
 letten/en hen van zynen persoon te verseekeren /ae oock te hinderen/aen-
 tasten en offenderen soo wel in zyne goederen als aen zyn lijf en persoon/
 exponerende en ouerleuerende den seluen wilhelm van Massau ter belieste/
 spot en proye van eenen yegelijcken als vyant vanden menschelijcken ge-
 slachte/geuende eenen yegelijcken alle zyne goederen ruerlijcke en onruet-
 lycke/waer die gheslaen oft gelegen moghen zyn/wye de selue sal kunnen
 nemen/aenbeerden ende becommen / buytgezundert die goederen tegen-
 woirdelijck onder onse handt/gebruyck en possitie wesen. En ten eynde
 de selue te eer ende mit meerder bliet en spoet gedaen en volbracht mach
 worden/en om onse onderlaeten te gheringer van dese tyrannye/oppresie
 en verbruyckinge te verlossen/en op dat die duecht en vroomheyt gepresen/
 en die boosheyt en misdact gestrafft worde/beloonen wy in Con. en Prin-
 celijcke woorzen/en als Gods diener/dat indien yemant /tzy onse onder-
 laet oft buytheensche/sich soo vroom en grootmoedich/en tot onse dienst/en
 der gemeyne weluaert soo vrietich liet beuinde/dz hy by enige middel dese
 onse ordinantie conde executere/en sich quijtmake van dese boozsz. yeste/ds
 den seluen ouerleuerende doot oft leuende/oft dien selfz vanden leuen be-
 touende:wy den seluen sullen doen geuen en furnyeren vooz hem en zyne
 erfgenamen in gronden van erfue off gerede penningen tzynder kuse en
 optie terstont nae dz die zaecke volbracht sal wese/die somme van byssuen-
 twintich duysent goude croonen : en zoo verre hy enich delict oft misdact
 gecommiteert hadde (hoe groot selue soude moeghen syn) wy beloonen
 hem selue te vergeuen/gelijck wy oock van nu vooz aldan doen/en ver-
 geuen:en indie hy van eenen adel en waere hebben den seluen gheanno-
 biliteert en annobileren by desen/ in aensienninghe van zyn vromicheyt/
 en ingeualle de principael factuer tot hulpe en assistentie van zynen aen-
 slach oft executie vanden seyte/eenige andere persoonen annermpt/ sullen
 wy oock de selue alle gunste en weldaet bewijse/en regens elcke van hem
 sulcx bekene als hem qualiteyt/en de dienst die zy ons hierinue geue sullen
 hebbe selues vereysthe sal hem vergeuende insghelijcx tegene des zy souden
 mogen misbruyckt en misdaet hebbe/de selue oock annobilerende al vo-
 ren. Ende alsoo die receptateurs faulteurs ende aenhengeren van sulcken
 boosen tyran / onzake zyn dat hy hem mach continueren en onderhouden

B ij. in zyn

in zijne boosheyt. zonder de vaelcke die boose wichten nyet lang en kunne
domineren/ verclaren wy insgelijck alle de gene die hiinne eenre maent na
de publicatie van desen hem niet verrrecken en sullen van zijnder zijden/
maet continu eren sullen hem bystant en fauere te bewijlen/ oft den seluen
volgen/ hanteren/ bystaen/ sanctiseren oft beraden directelijck oft indirectelijck/
oft vā nu voirt aē mit goet oft gelt helpē sullē/ voirt rebelle en wederpens-
nighe en byandē vande gemeyne ruste/ en ouer sulcx hebbē wy de selue ge-
prieert en priuert by desen van alle goederen/ adel/ eere/ gracie en genade
en in toccomende tijden/ geuende huere goederen en persoonen/ waer
dat de selue geuonden sullen worden/ tzy in onse landen en Coninckrijckē
oft buyten de selue/ aen den genen die de selue aenslaen/ en occuperen sullē/
tzy coopmanschappen gelt/ schulden ende actien oft crediten/ landen/ heer-
lijckheden en andere/ soo verre de selue goeden alnoch nyet aengheslaghen
en in onse handen niet ghestelt en sijn/ zoo voorsz. is: en om votten arreste
en aen tassingē van huere personen ende goeden te mogen comen/ sal
voirt genoechsame probatie wesen/ datmen sal kunnen bethoonen de selue
(nae den tijt hier voiren ghestelt) gesien te hebben communiceren/ sprake-
houden/ handelen tracteren frequenteren ende verkeren int openbaer oft
int heymelijck metten voorsz. van Ozaiguyen/ oft den seluen eenige parti-
culiere gunste fauere hulpe bystant oft assistentie directelijck oft indirec-
telijck ghedaen te hebben. Terguende nochtans allen ende eenen yegē-
lijcken alrgene dat zy votten voorsz. tijt toe gedaen mogen hebben ter con-
trarien/ zo verre zy hen wederom comen stellen en reduceren onder die
behoefelijcke en oprechte gehoersaemheyt die zy ons schuldich sijn/ accepte-
rende vboisleren tractaet van Arrecht bynnen Bergen geslooten/ oft die
aeticien der Key. Mts. Commissarissen ende ghesanten tot Coelen.

Onthieden daeromme en beuelen onsen zeer lieuen en ghetrouwen die
hoofst/ presidenten en luyden van onsen secreten en grooten raden/ Cance-
lier ende luyden van onsen rade in Brabant/ Stadtholder/ President ende
luyden van onsen rade tot Luxemborg/ Stadtholder/ Cantzler en luyden
van onsen rade in Gelderland/ Stadtholder vā Lymboorch/ Alckeborch/
Daelhem/ ende andere onse landen van Quernarce/ Gouvernuer/ Presi-
dent en luyden van onse raden in Vlaenderen en Artois/ Grootbailliu vā
Benegauwe/ en luyden van onsen rade te Bergen/ Stadtholder/ President
en luyden van onsen rade in Holland/ Stadtholder/ President ende luyden
van onsen rade tot Namen/ Stadtholder/ President en luyden van onsen
rade in Vriesland/ Stadtholder/ Cantzler en luyden vā onsen rade in Quers-
pffel/ Lientenant van Broeninghen/ Stadtholder/ President en luyden van
onse rade t Utrecht/ Gouvernuer van Wyssel/ Douway en Orchyes/ Pres-
moet van Vleeschinghe/ Bailliu van Doernycke/ Rentmeesters van Bewick
en Broustersecht in Zeeland/ Schoutet van M. chelen/ en alle anderen on-
sen Rechteren/ Justiciezen/ Officieren en Amptluyden tegenwoordighe en

voecommende / en dien van onse Vasallen dien dit aengaen sal huere stede
 houderen en elcken van hen zoort hem toebehoiren sal / dat zy dese onse te-
 genwoirdige declaratie / gebot en ordinantie doen kundigen / buytroepen
 en publiceren / elck binnen de limiten van zijne iurisdiccie daerme gewoon-
 lyck is buytroepingen en publicatien te doene / op dat nyemant ignoran-
 tie en soude mogen pretenderen: ende voirs onderhouden en obserueren /
 doen onderhouden en obserueren onverbzekelycken alle die puncten ende
 artickelen daer inne begrepen nae huere voyme ende inhouden / procederende
 ende doende procederen respectuelijcke totte recompense / loon / penne straff
 ende punitie bouen vermet / sonder eenige gunste / fauour oft dissimulatie:
 des te doene met deser aendleest gheuen wy hen ende elcken van hen besun-
 dere volcommen macht / autoriteyt ende sonderlingh beuel / ontbiede ende
 beuelen allen ende eenen yeghelijcken dat sy hen t'selfde doende ernstlijck
 verstaen ende obedieren. Ende nietmin alsoo die voirscheuen publicatien
 teghenwoirdelyck niet ghedaen en kunnen worden binnen de steden / lan-
 den ende casteltypen gheoccupeert zijnde duer de rebellie vande voirscheue
 van Dzaiguyen / willen wy dat de publicatien die ghedaen sullen worden
 bynnen de naeste steden / weskende onder onse ghehoysaemheyt / van sulcker
 werde ende effecte sullen zijn / al off de selue ghedaen waren alomme byn-
 nen de plaetsen ende vleckes ghecostumiert / ende vooz sulcx hebben wy
 die gheautoriseert ende autoriseren by desen: willende ende beuelende ins-
 ghesijck dat die van stonden aen ghebruicht ende gheprint sullen worden
 by gheswozen druckers oft printers van onse vniuersiteyten van Loenen
 ende Douay / in t'weederley sprake ende tale / op dat de selue te gheringhe-
 tot kennisse van eenen yeghelijcken soude moghen comen / ende sulcx is
 onse gracie / decreet / wille ende goede geliefte. Toirconden van igene des
 voirscheuen is / hebben wy onsen grooten seghel doen hanghen aen dese
 teghenwoirdige / die gegheuen zijn gheweest in onser stadt vā Maestricht /
 den xviij. dach van Martio / int iaer ons Heeren / duysent / vyff hondert
 tachtentich: van onsen rijcken / te weten van Spaignen ende Sicilien
 t'xv. ende van Napels t'xviij.

By expresse ordinantie van zijner Mt.

Verreyken.

Ende waren de voirscheuen brieuen gheseghelt mitten grooten zeghel
 van zijne Mt. in rooden wasse / ende dobbelen sterre buyt hanghende.

¶ Aldus ghepubliceert binnen t' Hertogenbessche Anno. M. D.
 LXXX. Desen elften Septembrijs.

¶ Extraict van t'premie. ¶

Die Co. Maest. heeft gheconsenteert ende geacordeert / Jannen Scheffer
 gheswozen boeckprinter der seluer Maest. binnen der Stadt van t'Her-
 togenbessche / om binnen der voirs. stadt te mogen printen / oft doen printen
 vercoopen ende distribueren / die Placcaeten ende Ordinantie ons Heeren
 des Conincs / alreede gesonden bynne der voirs. stadt / om alldair te worden gepubli-
 ceert / en die het hof nammaels alldair sal seyndē / bieder vlijckende byder acte vanden
 seluen Houe daer ep verleent ende gegeuen tot Nammen den xxi. ten Aprilis
 Anno. 1580.

Onderteeckent.

S. de Grimaldi.



